

書名 東盛和債案報告十六卷
 撰者 清 營口銀行 輯
 卷 卷十六
 內容分類 史-政書-雜錄
 索書號 大木-法類-獄訟-案牘-8
 編號 B4014800

卷十六



[彩色首頁1](#)
[彩色首頁2](#)

東洋文化研究所漢籍目錄 編號: B4014800

東洋文化研究所漢籍目錄所藏漢籍善本文影像資料庫 索書號: 大木-法類-獄
 訟-案牘-8

漢籍善本文影像資料庫文本 東盛和債案報告十六卷

版權所有: 東京大學 東洋文化研究所

[使用上的注意事項](#)

度支部加劄委辦救濟營口市面事宜劄文

度支部爲劄飭事北檔房案呈據總銀行正監督張允言呈稱營口東盛和等字號
 倒閉市面震動准東三省總督電商撥款救濟商定由部行籌撥銀兩帶同總行事
 務處委員候選道羅飴等前往察看情形救濟並擬派委員羅飴會同該分行總辦
 辦理救濟一切事宜等因前來查救濟營口市面事關重要應由本部加劄派委該
 道羅飴會同該分行總辦王伊妥爲辦理至東盛和倒閉虧欠該分行銀兩及放出
 各款均應責成該行總辦王伊設法如數收回並令該員羅飴會同籌畫務期於本
 行及營口市兩有裨益劄到即便遵照前往勿負委任切切特劄

右劄總行事務處委員候選道羅飴准此

光緒三十三年十月 日



東盛和債案往來電報彙存

營行王總辦致總行監督電 十月初二日

戶部行監督鑒營口昨夜倒閉爐房油坊數家皆素有資本現虧至五六百萬所有道勝正金及我行均虧甚鉅大局全壞現在極力與關道籌畫俟有端緒再電達並祈酌示辦法又營口昨日大雷電致壞電線故遲伊冬

總行致津行電 十月初四日

戶部行轉羅煥翁刻接營行復電云東字號倒去五十萬滬濟行十數萬將該號奉粵產業抵押營行二百萬上下欲本處速電奉粵各地方官按單查驗扣抵云云該號家財甚足可不要緊營行來電甚長即鈔由部寄上總

營行王總辦致總行監督電 十月初四日

戶部行監督鑒營口東字號倒閉虧營行五十萬滬濟行十數萬現收東粵各產業貨物全體抵押營行約值二百萬上下請速電奉粵各地方官按單查驗扣抵不必

封閉惟先站步免令旁人干涉至該號通體虧欠約四五百萬旁人欠他不下二百萬產業值二百萬尚足支持現在我行與關道商量極力保護不致牽動大局乞轉稟堂憲爲荷產業附列昌平德東生怡各機器油房怡興源地基正金租房老爺閣市房牛家屯車棧地東生怡輪船碼頭棧房又域多利輪船一隻又牛莊置業公司股票二十萬元自來水股票三萬五千元歡心店地老爺閣南地二官塘地樓房四十五間平房二百十五間德芳紙煙局機器及發出外城紙煙正隆股票七千元東盛和洋麪五萬五千包怡豐木局各貨并煙煤二千噸鐵嶺東雙太生意值銀二萬兩東生怡昌平德所存餅油荳各貨恆豐磚窰并地百畝伊江

營行致總行監督電 十月初四日

戶部行監督鑒各電均悉東號事起倉猝又值風雹大災爾時鶴舫在瀋辦理款項連夜與該號東家開誠苦勸許以保護零星哄逼始將各項產貨預填九月抵押爾時全埠惶急刻不容間直至初二日晚辦妥已速電達又市面現仍危岌雖極力鎮

靜維持不止恐各號全歇支

總行致滬行電 十月初四日

戶部行接營電知該處倒閉油坊爐房數家約在六百萬左右本行有若干俟得詳細復電卽告總急急

滬行致總行電 十月初四日

戶部行總洪兩電悉此間亦無確音聞營行被倒約三十萬該申號人避並無產業悉營地產業有百餘萬應請張瑞監督電致營道速爲查封再營行寄申匯票有十餘萬內四五萬申或能辦法向收昱光

總行致滬行電 十月初四日

戶部行焦席鑒申密營行尙無復電接奉行電知營口東盛和東生長東和泰三家倒欠營口分行銀查八月帳單約二十萬金上海如有聯號產業請祕密設法截住電復總

滬行致總行電 十月初四日

戶部行總電悉營行有寄申收票六萬倒戶逃避無處可收幸滬行均無交涉滬行滬行黎監督致總行張監督電 十月初四日

戶部行張鑒營行可否請煥章兄前往清查鈞

營行致總行監督電 十月初五日

戶部行監督鑒申密恐慌非實款不濟欲挽回須撥款一二百萬兩不然一二日內營商全歇閉我行及滬滬各行款在營者約一百五六十萬若大局壞全無着落可否卓裁急密電復微

總行監督致關道沈觀察電 十月初五日

山海關道臺鈞鑒洪云營口東盛和虧空倒閉共倒度支部銀行款六十餘萬茲查其在奉省有鐵嶺東雙泰生意值有二萬兩東生怡昌平德所存餅油豆各貨恆豐磚窰並有地百畝又牛莊置業公司股票三萬五千元歡心店地老爺閣南地二官

塘地樓房四十餘間蘆房二百十五間德芳紙煙局機器圖發出外城紙煙正隆股票七千元東盛和洋麪五萬五千包怡豐木局各貨并煙煤二千噸昌平德東生怡各機器油坊怡興源地基正金租房老爺閣市房牛家屯車棧地東生怡輪船碼頭乞速電飭地方官按單查明扣抵以重公款為禱言豐鈞同叩支

總行監督致東督徐欽帥電 十月初五日

奉天督帥鈞鑒洪云營口東盛和虧空倒閉共倒度支部銀行款六十餘萬茲查其在奉省昌平德東生怡各機器油房怡興源地基正金租房老爺閣市房牛家屯車棧地東生怡輪船碼頭又牛莊置業公司股票二十萬元自來水股票三萬五千元歡心店地老爺閣南地二官塘地樓房四十餘間蘆房二百十五間德芳紙煙局紙煙機器圖發出外城紙煙正隆股票七千元東盛和洋麪五萬五千包怡豐木局各貨并煙煤二千噸乞速電飭地方官按單查明扣抵以重公款為禱再廣德泰係粵人葉雨田所開係屬聯號並乞查抵言豐鈞同叩支

東盛和債案報告

總行監督致粵督電 十月初五日

廣東督帥鈞鑒洪云營口東盛和虧空倒閉共倒去度支部銀行款六十餘萬茲查其在粵省有粵芳村大涌口吉昌棧輪船碼頭棧房又域多利輪船一只再廣德泰為粵人葉雨田所開係屬聯號並乞查抵為禱言豐鈞叩

粵督覆張監督電 十月初五日

南半截張京堂頃接銀行支電即傳廣府查詢據云廣德泰生意均在上海香港昨因牛莊事倒閉已見報紙域多利似是香港船名不甚大須詢稅務司查辦芳村涌口即有棧房碼頭恐所值無多等語現已飭令細查惟東盛和係何人所開是否粵人來電何以未及倘知其人或有產業亦可查抵若僅此數項斷不敷六十萬之數俟查明再電微

總行致營行電 十月初五日

戶部行急申微電悉救濟市面乃地方之事須由道署申報奉直兩省速籌辦法若

我行再撥實款設仍不能挽回徒倒鉅款誰任其咎各行款既係尊行擔借務須設法保全微

總行監督致營行電 十月初五日

戶部行王鑒營事昨已由弟等出名電請奉粵兩省扣產查抵刻令煥章兄及同人來營幫同商辦今日回堂云部中不便發電由弟等發電甚佳仍責成尊處設法速速收言豐歌

由津行致總行監督電 十月初五日

戶部行張監督鑒刻津行接營電云東號欠五十萬現已扣有產業如該號在津有存現款令祈扣留等語飭

總行張監督致津行電 十月初五日

戶部行羅鑒營電云請速赴營酌量商辦並告裕翁言
由天津致總行監督電 十月初五日

戶部行張監督鑒營行來電並致粵奉電均悉請速派安人分往粵奉會同辦理方克有濟遲恐無益飭同乾翁筱翁准明早往營飭

總行監督致各分行電 十月初五日

營口市面大壞東字號倒帳五六百萬營行有押款數十萬各埠市面難免震動以後收匯等款千祈格外慎重為要言豐鈞

營行王總辦致總行監督電 十月初六日

戶部行監督鑒電悉請款事由關道及商會以開辦章程既有此條可電商以安人心明知京行必有斟酌大眾之前借此以為羈縻人心之計耳非如此營口無今日矣昨晚已有兩爐房做交易或可支持各家欠款季帳不日結成約獲利淨兩萬餘擬專人送京面陳一切餘信詳至各行係彼處自相交易者不過營行知有此款以同枝之誼代為扣抵耳不必言責成決不分畛域也魚

總行致營行電 十月初六日



戶部行營事固須救敗尤慮再失如有願以貨物產業來質者請會同煥翁查明抵押妥實值多抵少亦可來電商籌接濟仍以請關道設法為妥魚

總行致營行電 十月初六日

戶部行王鑒魚電悉今早已發一明電言有妥實抵押者可以商籌接濟至挽回市面總須由地方官及商會請東督商之度支部或可大辦本行恐無此力量各行款自相交易者未知某行若干乞詳示魚

總行致營行電 十月初六日

戶部行申密電悉尊處前欠津款今又支票五萬餘若不付有關名譽照付又難籌墊希速來款備解云云現在市面岌岌可危望慎做生意總

滬行黎監督致總行電 十月初六日

戶部行張鑒申密葉家產業約三十萬路股亦多鈞

津行致總行電 十月初六日

戶部行總辦事處洪營行欠津款前日已函催外今又見支票五萬餘兩本行票若不照兌有關全局請尊處速電營行來款備解以後無款弗支宏堃

滬行黎監督致總行張監督 十月初六日

戶部行張鑒申密滬廣德泰莊米商葉雨田即葉道廣粵路董事南海人已回籍擬稟請督帥就近追繳鈞

總行致營行王總辦電 十月初六日

戶部行王鑒陽電悉既係押在我行之貨商會何以強行搬取尊處應據理力爭何能聽之此次倒款之多已出意外若再令押款無着我等如何交代餘商明再復

營行王總辦致總行監督電 十月初七日

戶部行監督鑒頃調查該號除產業外所押貨物尚值十餘萬香港存貨尚值十餘萬該號已電催兌營又營埠各商號欠東字號共百零七萬皆係的款若由部責成地方官尙可立時清償唯各商怨怒以我行壟斷恐市面又現壞象乞酌示辦法其



前押在我行之貨商會強行搬取我行力不能禁地方官亦以商情怨望不敢作主非由部速電力持恐押貨終成子虛伊等不勝焦灼待命之至煥章速來尤要陽

總行致營行電 十月初七日

戶部行申電悉已照電粵並電滬行派盧明之赴粵查明請追奉省如須去擬請岳羅牛三兄酌分一人會同營潘行人前往查明酌辦陽

總行致滬行黎監督電 十月初七日

戶部行黎鑒電悉岳乾齋牛小舫同煥章赴營陽

總行致滬行電 十月初七日

戶部行黎監督焦席公鑒申電均悉東盛和等號虧欠營行款六十餘萬查該號東葉姓在粵省芳村大涌口開有吉昌棧輪船碼頭棧房又域多利輪船一隻又廣德泰聯號等產業已聯尊銜電請粵督查抵乞即就近派盧明之刻日往粵隨時電商相機辦理以重公款豐言陽

東盛和債案報告

總行監督致粵督電 十月初七日

兩廣制臺張鑒洪密微電謹悉東盛和等號係粵人葉亮卿所開其父葉雨田聞在廣東前據營行總辦王伊來電未詳其產業乃彼抵押借款外如有他業查抵尤妙現已由滬行派司帳盧明之赴粵清查請辦刻據營電請將南海附城北村鄉葉雨田父子名下住房祠堂共三十餘間查明扣抵不必即封閉俟銀行款項結還後再交原主言豐鈞同叩陽

營行致總行電 十月初八日

戶部行電悉近日欠津之款均係關道存款應須匯解者並係東號事前之票此復生意自當謹慎

總行張監督來電 十月初八日

營口裕長棧羅岳牛鑒申密得電知安抵甚慰營市宜速了遲恐生變該商會已電商部矣請便宜速辦勿拘總以款項早收爲目的言庚

總行致營行電 十月初八日

戶部行申昨電回堂部中已電東督請飭嚴追行中亦應速籌辦結遲恐生變商會已電商部本行亦呈商部矣庚

總行致關道沈觀察電 十月初八日

營口道臺沈鳳翁鑒昨奉復電祇悉東字號在本行貨產係事前抵押萬不能與各家一律辦理已回明度支部堂憲除責成銀行收抵外仍求公主持萬懇如前欠能清本行仍可接濟言豐鈞庚

營行王總辦致總行監督電 十月初九日

北京戶部銀行監督鑒本埠商情漸有和緩之意煥翁等在此頗蒙指示籌畫亦周意欲暫由銀行主持辦理不久當有端倪可否酌示爲盼伊懇佳

總行致營行王總辦電 十月初九日

戶部行王鑒佳電悉煥翁等儘可多住幾日幫同辦理昨有救濟營市條陳由事務

處寄上請與沈鳳翁商辦佳

總行監督致粵督電 十月初九日

廣東制臺張鑒洪營行來電探有東字號油豆一船值銀數萬分裝大沽桂陽輪抵粵祈飭扣留備抵輪船水脚請先代付即由行匯繳言豐鈞同叩佳

由營口裕長棧致總行電 十月初九日

北京張瑞監督鑒申據營行單開東盛和各號欠款六十六萬內濬行一萬除已收到三萬尚少六十三萬該號東葉亮卿自知部款緊要業將產業貨物繕單抵押營行計有契票者十三萬零貨物二十二萬零已押道勝復押營行之產聞值一百七十萬除道勝欠款百萬餘均由葉親立抵據交行收執商會如不為難地方官如肯出力幫忙我行或不至吃虧惟市面大壞如同罷市營行尚有浮存各銀爐款八十餘萬急收則市面更壞必致無著緩收則續倒堪虞風險莫測飭等無從下手無能為力惟有速請擇派熟悉營情安人一二員駐營幫同營行籌畫或可稍資補救人

欠東號款一百八九十萬已為商會扣去合併聲明後墊飭

由營口裕長棧致總行電 十月初九日

北京張瑞監督鑒申據營行單開各存計股本十萬存款十萬京行四十七萬七申行二萬濬行五十一萬八津行二十六萬陸軍部三十四萬濬行款較鉅請電濬行速來安人幫同營行補救後墊飭

營口致總行監督電 十月初十日

北京戶部行張瑞監督鑒營口福成號欠東號十七萬怡昌泰欠十三萬均股實已為商會請官押追允限七日交款請部急電關道如其繳案暫存道庫以防抵款不足後墊

由營口致總行電 十月初十日

北京戶部行張瑞監督鑒申據營行單開東號已押道勝復押營行各件計東生怡油坊機器房屋器具另地皮棧房碼頭九十二畝怡興源油坊地皮十七畝正金樓

房地皮十二畝粵省大涌口怡昌貨倉二十間碼頭八十餘丈牛莊置業公司股份票共約值銀一百六十餘萬現已與此間道勝交代明白先歸該行欠款餘均歸我行財產請電明之接洽免生交涉後並飭

營行致總行電 十月初十日

北京戶部行監督鑒申頃查本埠福成號十七萬怡昌泰欠十三萬均股實現經官追允限七日匯交請速回堂憲急分電直奉兩督遣派幹員專辦此案照數追交再羅煥翁電桂陽輪貨約值八九萬原押我行餅油豆煤麪糖約值二十餘萬儘先變價賣歸還我行則欠款不難立清少有不足再將該號值錢產業擇賣一處即可全數收回所餘產業可交商會如此辦法事易功多望公主持刻不容緩伊佳叩

總行張瑞監督來電 十月初十日

營口裕長棧羅岳牛鑒昨今五電均悉已分電粵督營道並請粵督轉告明之矣營事得兄等相助較爲放心營行亦電請多留數日言豐蒸

總行監督致關道沈觀察電 十月初十日

山海關道臺沈鳳翁鑒洪密據營行來電營口福成號欠東號十七萬怡昌泰欠十三萬已爲商會請官押追允限七日交款等因如屆期繳款到案請尊處暫存道庫爲禱蓋防該號所抵營行產業不敷欠款也言豐鈞懇蒸

總行致粵督電 十月初十日

廣東制臺張鑒洪東字號葉姓抵押銀行之款粵省大涌碼頭怡昌貨棧二十間碼頭八十餘丈今據銀行來電此項產業係先押道勝後抵本行刻已與道勝商妥先歸該行欠款餘均歸還本行請先飭地方官查封再候分派爲禱滬行派司帳盧明之同粵臬王采臣赴粵盧到粵後乞示以此電言豐鈞叩蒸

關道沈觀察致總行電 十月十一日

戶部銀行張京堂瑞閣學黎監督鑒庚蒸兩電悉銀行係屬公款自應盡力追償鄙意甚願大部撥款接濟鼎力扶持俾得全清前欠衆商無詞否則該號所欠洋債商

債動關交涉或牽市面言龐語雜人心惶惶棘手情形羅來查辦諒已洞悉至福成等號欠款已錄電飭廳追繳款如交到飭遵示暫存道庫桐真

總行監督致關道沈觀察電 十月十二日

營口道臺沈鑒電悉葉商已倒難再接濟設部款再失何人擔保現惟救濟未倒市面爲急必須尊處請東直兩督商之度支部商部或撥款接濟或令商人聯合將浮存定爲長期方能活動至本行押東號產係事前抵押與道勝行一律務請速爲辦清實叙公誼言豐鈞文

營行致總行電 十月十二日

北京戶部行監督鑒申昨今來做匯項絡繹不絕頗有利息奈無款以應只好託詞以卻正金居奇獲利既厚聲價日增我行相形未免見拙可否通融稍撥滬款接濟惟尊裁文

營行致總行電 十月十三日

戶部行監督鑒申福成怡昌太欠東盛和款約三十萬係由上海頂回各號匯票者營行亦有頂票五萬現商會強勒福成等將款歸各帳戶分攤且正金亦有頂票擬向商會力爭仍令福成等將款歸還上海票項不得混在東號帳內均攤又該兩號之款不日匯到能否全數勒還部款抑或按票均收如何辦理懇請電示總之此事非由部嚴飭地方官或速派人專辦決無濟文

營行致總行電 十月十三日

戶部行監督鑒福成怡昌太共應繳三十萬已三電商各辦法未據電復能否派員專辦此款現在福成已繳十七萬正金等擬攤派還頂回申票之款以正理亦是正當此款營行亦分四萬且辦妥後他家尚欠我行頂票十萬亦可做辦東號欠款即輕減十四萬可否祈急電示又裕盛長欠我行二十二萬現議同太古永押機器油房及房屋地皮等借款二十四萬須用十萬現十四萬扣還我行欠款如此則裕字連號可支持市面可活我行各款亦少擔險而又得十四萬有着似爲妥便如允押

須撥款協濟元

營行致總行電 十月十三日

戶部行監督鑒申據商會稟道擬將我行所押貨物變賣批示麪煤等貨應由該商會集衆議明公估定數召變仍將所變之銀暫存聽候裁判定後再行分別攤還仰祈遵照辦理元

總行致營行電 十月十三日

戶部行申電均悉倒款尙無眉目浮存亦未收回市面如此匯款收來存放何處有無危險上海頂回之款本行按原匯數日均收卽了惟萬不能歸東號帳內攤派收到乞電示餘俟回堂再定元

總行致關道沈觀察電 十月十四日

道臺沈鳳翁鑒查商部去年奏案內開再臣部接據上海南北市錢業元大亨合詞稟稱錢業定章遇有往來商號因虧倒閉所欠洋款莊款須俟結清後於欠戶還款



內按照成數華洋各商一律公攤歷經稟辦有案今各省分滬銀行官銀號既許各商號脫手往來與莊等同茲利益自應與莊等同其責任設遇倒閉虧欠亦惟查照定章於欠戶還款內按成均攤乞咨請財政處立案等情核與臣部會同修訂法律大臣奏明破產律第四十條帑項公款經商家倒閉除歸償成數仍同各債主一律辦理外地方官應查明情節如果事屬有心應照倒騙律嚴加治罪等語尙屬相符當經據情咨商財政處去後旋准復稱查各國銀錢行業皆受成於戶部或且以資本之半存之中央金庫而所用簿籍鈔票等均由公家領取戶部並有隨時飭令檢查之權查察極爲嚴密不患有欺飾隱匿之弊是以偶遇虧倒破產之法可以實行今中國各項貿易皆任便開設公家並未加以監察若遇有倒閉准其一律折扣恐存款之受虧必甚現在戶部銀行存放多係部款關係極重暨各省銀行官銀號多係公款均應暫照舊章辦理所有該商稟請立案之處礙難照准等因臣等查破產律第四十條商家倒閉帑項公款歸償成數同各債主一律本係查照各國通例辦

理俾昭平允茲准財政處復稱前因自應將此條暫緩實行除由臣部通行各省轉飭遵照外理合附片奏聞伏乞聖鑒謹奏光緒三十二年五月初三日奉旨知道了欽此欽遵等因請卽劄飭海防廳裁判員所有東盛和虧欠銀行鉅款未便一律公攤況係抵押尤宜分別辦理卽乞查照實爲公便言豐鈞寒

營行致總行電 十月十四日

戶部行監督鑒頂票照原匯收回如昨電所云福成票辦妥當依樣理論或能照辦浮存票萬不敢紛擾調查現有轉機收回尙難說到協撥一節非敢冒昧以理勢不得不然營行自此收場不惟不必請益且可力索各欠如尙欲支持爲挽回利權之計正當力爭上游新款撥來當從穩實處做期於前欠有濟決不涉險諺云將錢趕錢我公以爲何如惟卓裁寒

總行張監督致津滬兩行電 十月十四日

上海天津戶部行堂憲允東督請由部行籌款接濟營市言不日帶京現款數十萬

前往乞尊處預備現款到彼如有匯款務須應付言

總行監督致東督徐欽帥電 十月十四日

徐欽差鑒度支部接尊電已令部行各籌款百萬由行酌量接濟營市言不日帶款來奉面陳一切言豐鈞叩寒

營行王總辦致總行監督電 十月十五日

戶部行監督鑒申寒電悉撥行款請存滬行便於匯調部允鞠帥款以愚見可趁此發鈔票通用可免將實款使行無論津京滬濟各行均可隨時作價電匯票匯如此營市可期漸歸實在而東三省利權亦可歸我行扶持免致爲道勝正金三井等所壟斷實於國權部權我行權均甚裨益至該款既由我公來辦一面責任地方官及商會一面仍須爲我行道地藉此以增名譽挽回利權並可設法將舊欠爐碼變成實在一舉而兩得乞與堂憲斟酌核奪辦理實爲德便又公來奉或便道來營或伊赴滬一切面商各節可否並祈示知又商會將德芳紙煙局租與日人經我行力阻

東盛和債案報告

始作罷論現議定將德芳紙煙局昌平德油坊等貨派東號安人看守又東洋現來貨物報關及棧租等費均由我行墊出如此辦法我行陰佔優勝之勢將來與中外商號交涉彼亦不能不認我行有掌管貨產之權是否奉商伊叩咸

津行致總行監督電 十月十五日

戶部行張監督電悉公東行足以救營而振行務現銀甚缺謹購備現龍元十萬候運匯款適當暫墊以盡維持之義宏埜

總行致營行王總辦電 十月十六日

戶部行咸電悉部款在京如欲存滬可令京行照市匯滬言約二十帶款東行赴奉後即來營報關棧租等費但不致落空我行自宜墊出

總行致津行電 十月十六日

戶部行電悉尊處代辦龍圓十萬於中能搭小洋數成尤感言准二十行在津不能耽閣乞先裝箱候運



營行王總辦致總行電 十月十七日

戶部行承撥款請匯滬十萬餘十萬代買小洋帶來監督赴潘伊到錦迎晤請示一切

粵督致各處電 十月十七日

農工商部度支部銀行監督總辦徐制臺唐撫臺鑒洪營口東盛和倒欠鉅款一事迭接來電均已密飭府縣確查葉雨田父子產業扣抵現查得芳村大涌口怡昌棧一所係代省港存儲各物貨連碼頭約值銀十萬元棧外另有餘地租與普編公司存儲煤月租六十元又北鄉村祠堂一所計七間祠之東有住房九所每所四間計三十八間葉姓先已搬徙一空鄉間房屋並不寬大所值無幾並無三十餘所之多村內亦無別項房屋又廣來米行股東九人葉姓占股本五千金又沙基中肇遠隆花生店由葉雨田夥開之廣德泰號占本一千兩另存銀約二千五百兩所有查出棧房碼頭祠堂均經扣留其店股及存銀恐生轉軻飭調簿據清算方能提取粵漢

東盛和債案報告

鐵路聞有萬餘之數亦只值萬餘元現飭公司澈查確數再行扣抵至域多輪船之未駛粵廣德泰號在滬開張粵省並無分莊聯號又桂陽輪船由營口載豆一萬五千餘擔初八日來粵並未到省起卸中途駛往香港聞起存德成榮新兩行大沽輪船探查並未進口設法商之港官將該兩行貨物扣存變抵一面再查葉姓父子有無他項產業再行奉聞查葉姓世居南海縣屬松洲岡其父小賢營生本屬寒微至兩田以販米起家始移居北村鄉約二十餘年該鄉葉姓僅一家餘俱陳姓伊有次三兩子次子幹之在滬三子亮卿在營口俱營商其財產在滬約二萬之多聞滬尙有地皮約值一二百萬而本籍產業則甚寥寥初聞人言葉雨田有回粵之說當屬府縣設法傳案許其不苛待爲難乃至今未得消息則其人必已逃匿無疑似不能不通行查緝知關厘念先行電達駿鹽

津行致總行監督電 十月十七日

戶部行張監督電悉遵換搭小洋二成候運不誤宏堃

滬行黎監督致各處電 十月十七日

農工商部度支部戶部銀行徐制臺唐撫臺戶部行並轉張制臺鑒洪密葉雨田上海並無地皮及他項產業大鈞

關道致總行監督電 十月十七日

戶部銀行張瑞黎大人鑒營商因分行抵押疑不實小有衝突聞部撥款接濟萬口騰歡官商一體幸福無量款項有著事緩則圓伏維鑒諒桐十七院代

總行監督致營行電 十月十八日

戶部行現在營市究稍好否福成攤還申票本行四萬曾否收回裕盛長押款作否卽覆言二十動身在津小有耽擱約二十二三到奉

總行監督致津行電 十月十八日

戶部行倪岳鑒營來電大龍元不通用須喫虧請均代辦角子裝箱候帶言

總行監督致廣東盧明之電 十月十八日

東盛和債案報告

廣州義善源盧鑒電悉怡昌棧及祠房等看守候辦法油荳請會同地方官照市變價營口地皮一節恐不確言即日赴瀋營詳查

廣東盧明之致總行監督電 十月十八日

戶部行監督張瑞鑒洪怡昌棧已查封約值銀十萬內儲油荳約值四萬餘元英領交涉辦結擬變價輪船遠颺葉雨田匿避港澳恐難弋獲聯號并祠堂外無可封抵據馮紳元鼎言葉姓營口地皮約值銀二百萬祇在正金押三十萬請電煥翁詳查候示光

營行王總辦致總行監督電 十月十九日

戶部行監督鑒營市聞撥款有轉機爐碼已漲四五元福成票中止裕盛長款以產業價絀尙磋商未定承示二十二到奉當在錦迎候又囑小洋滬購請再交申五萬下轉申行伊

營行王總辦致總行監督電 十月十九日

戶部行監督鑒黎玉翁申電轉譯桂陽大沽兩輪裝載葉姓由營運粵油豆貨提單祈問亮卿索取寄粵伊謹查詢該號裝船提單聞用白小皮箱封固由輪船帳房帶交香港代理人榮新行收據理可向輪船帳房或榮新行提該店小皮箱提單即在箱內榮新信內拆閱便知等因乞轉電粵督憲及黎監督皓

總行監督致粵督電 十月十九日

兩廣督憲鈞鑒洪密營行電稱查桂陽大沽輪油豆提單信件該號用白皮小箱封固交輪船帳房帶港交代理人榮新行收存祈飭查該輪或該行開箱拆信取單提貨並求飭知盧明之爲叩言豐鈞皓

津行致總行監督電 十月十九日

戶部行張監督鑒電悉小洋祇辦有二萬餘續辦宏埜

瑞監督致造幣總廠錫監督電 十月二十二日

造幣總廠錫羅煥章晚車攜銀往津交銅幣千萬枚今晚裝車帶營請紫垣接洽豐

東盛和債案報告

廣東盧明之來電 十月二十二日

裕昌棧羅煥翁行電悉桂陽貨船並未進口粵產怡昌棧及聯號祠堂等約值十數萬此外無可再封營產封得幾何乾翁小舫并候光

由山海關致營行電 十月二十三日

營口戶部行王總辦劉關鑒電悉現帶銀四十萬銅圓一千四百箱明日由田莊臺來營請派人照料運行飭

滬行協理席德輝來電 十月二十六日

北京戶部銀行總羅鑒申東號事由營商各幫公貸戶行款二百萬以葉商一切抵與戶部行變價歸還今申各莊應照營商各幫公貸在內因粵產已發封歸公申莊無從着落廣德泰與東號本係父子理應一併辦理始昭公允已由滬商會電達營會及營道請兄從中竭力設法以維大局餘信詳公何日往營電覆光印

張監督由奉天致總行電 十月二十七日

戶部行營口十角以上銀元票請即停印言

營口致總行電 十月二十七日

戶部行總營行角票速辦等用飭

廣東盧明之致總行監督電 十月二十七日

戶部行監督張瑞鑒桂陽船貨係榮新起卸光與督委設法籌辦無從入手大沾無踪請派營行帶確實憑據到港控告或者不致反坐徧查港册人避澳門擬請電求督帥懸賞拏辦查封棧產上海錢莊來粵稟督尙欲均攤乞電請批駁光

張監督由營口致總行電 十月二十八日

戶部行瑞陳公鑒申弟到此晤張蔡兩公於東盛和款均主公攤道勝因有抵押不在攤列我行亦有抵押並有商部破產律公款不能照攤片奏若此次不得比道勝以後押款不能再作公款可危請面陳堂憲如該省有奏咨到部務請主持能與接濟市面事一併先奏明立案以免落後尤妙言

東盛和債案報告

總行來電 十月二十八日

戶部行轉羅煥翁鑒電悉張監督囑停印營口十角以上銀元票現祇可趕編二二五角等票至快須下月十二可共約五十包刻正編奉行角票也總

張監督由營口致東督徐欽帥電 十月二十八日

黑龍江探呈徐欽差鈞鑒洪敬電祇悉尊意弟極贊成必須如此市面方能日就穩實惟言恐不能久住請責成張蔡沈諸君籌辦銀行當竭力幫助言叩

東督徐欽帥致張監督電 十月二十六日

營口戶部銀行呈張伯翁鑒洪江省舉行新政用款甚鉅似應設立分行以資周轉在奉曾經派員向貴分行商辦一切詳情諒達冰案昌現到江詳查情形分行之設似不可緩否則利權外溢祈卓裁示覆昌沁

張監督由營口致東督徐欽帥電 十月二十八日

黑龍江探徐欽差鈞鑒沁電祇悉江吉兩省早擬分設銀行今奉尊示俟營事辦畢

即日回京與部中商辦言叩

致廣東盧明之電 十月二十八日

廣東義善源轉盧明兄電悉洪現擬令葉亮卿繕發函電寄兄憑葉函電向榮新索貨如其不交再行稟請粵督照會港督辦理是否有用電覆來電均請用洪密不可用明碼飭

廣東盧明之來電 十月二十八日

營口戶部行轉羅煥翁鑒桂陽船貨係榮新起卸西例無憑不能控告徧查港册葉兩田并無產業人避澳門設法再三無從入手省封棧產上海錢莊來粵稟督欲款均攤光

營口致總行監督電 十月二十九日

戶部行瑞監督鑒銅元昨今兩日如數運往銀行押車弁勇明日遣回此次銀兩銅元沿途兵警車站保護照料周至請電謝直東兩督營市銅元價須俟官局議定章

程再電稟筱飴

總行瑞監督來電 十月二十九日

戶部行張監督鑒電悉破產律已經商部二十七日奏交法律館另議前奏不得援引奏稿隨寄豐

營口張監督致總行電

戶部行瑞陳公鑒營口專用小洋現辦東貨之時小洋所用尤多五角以下票無用前擬暫用十角以上銀元票以維市面惟未經商妥未敢遽用請面商部憲如准暫用請將永遠通用四字除去速印一二十萬張寄下言

總行致張監督電 十月二十九日

戶部行轉張監督鑒申密昨電悉濤今日到署晤丞參云救濟市面事須由尊處呈明實在辦法或先詳細電達方能據以入奏即可將營行公款重要一層敘入等語特先奉聞明日裕翁見堂憲有話再電告濤

總行致張監督電 十一月初一日

戶部行張監督鑒申十角以上票似於幣制未合鄙意多造十角以下票趕寄應用乞再詳酌示覆豐濤

營行王總辦致總行瑞監督電 十一月初二日

戶部行瑞大人鑒營行倒欠之款現已陸續收進十萬五千又頂票款收進七萬五千並希代稟知堂憲以紓厘念伊

張監督致總行電 十一月初二日

戶部行瑞陳鑒申電悉上海百萬款分存各行曾與丞參諸公商妥請照原撥數開單到部請部電滬分撥接濟營市章程昨已電部似可據代入奏聞西商急於提現走標此章與彼未便照彼主意營市必空此放彼收從何接濟乞先陳明堂憲營市全用小洋辦貨均是大款十角以下湊集爲難現正籌用大洋之法能暫印十角以上者濟急市面稍定即收回似尙無礙言冬

張監督致總行電 十一月初三日

戶部行瑞陳鑒申營市空極東號一倒底裏盡露信用全失大半已不可救西商執定挪公款爲東號還帳稅捐歸還一法萬不敢辦若不及早整頓放款危險萬分市面殆無救法西商且有託人劾奏之語言擬歸京面陳堂憲作主言江

總行致張監督電 十一月初三日

戶部行轉張監督鑒申兩電均悉救濟營市各條各堂均以爲然部另電覆照辦滬行撥款刻在部商酌已電告玉翁仍照前函分撥四行並擬由部提百萬交存滬行再十角以上票各堂意俟公旋京面商再發今早專人送上要信信明晚可到豐濤江

東督徐欽帥致營口張監督蔡觀察張司使沈觀察電 十一月初三日

張京堂蔡觀察張司使沈觀察同鑒洪朔電悉四條辦法結實爲維持計不得不嚴爲限制商會輿論既俱認可自可照辦請候部示遵行昌江

度支部致張監督張蔡二觀察電 十一月初五日

營口戶部行轉張監督張觀察蔡觀察鑒朔電悉維持營口市面所擬辦法四條甚屬周妥卽照所擬辦理如何情形仍隨時電聞度支部微

總行致張監督電 十一月初五日

戶部行轉監督鑒申頃見紹陳兩堂十角以上票堂意仍不謂然紹堂云庫存十餘萬小角如運營行用於市面宜否刻接歌電明日回堂濤

張監督由營口致滬行電 十一月初五日

上海戶部行鑒申此次接濟營市本因爭權利起見必須保證滿足本利無虧方肯出借決無代東號還帳之理乞告各股東放心言飭歌

張監督致總行電 十一月初五日

戶部行申謹呈慶王爺鈞鑒貝子爺賜諭謹悉允言攜款來營本爲接濟市面但期保證妥實部行款本利不致有失卽可出放俟商妥再上聞章京允言謹叩歌

東盛和債案報告

張監督由營口致度支部電 十一月初六日

北京度支部堂憲鈞鑒洪昨奉鈞電謹悉營市晉商先主以公款為東號還帳言已力拒今又變為全埠商號借公款二百萬全體蓋章擔保似與所擬第二條相符惟其好處全埠無同時倒閉之理其弊在無一定借款主名設有延誤罰難加衆且聞其意在抽捐與營市前途有關今日會議利息期限如議妥即電請鈞意如何祈電諭言魚

張監督致總行電 十一月初六日

戶部行陳鑒申電悉小角能運營頗有益惟不能照大洋市能否照辦大部覆電已到刻營口商號擬全體聯保貸官款分期歸還所議稍有眉目惟利息期限未定言須稍緩回京言

張監督致總行電 十一月初六日

戶部行瑞陳鑒申營商用款一事反對者多業經作罷用款接濟仍照前章已登報

宣布明日回京面陳乞代回堂言魚

營口致總行瑞監督電 十一月初七日

戶部行瑞監督陳幫辦諸公鑒申張監督連日與張蔡沈各道會議救濟市面章程各商反覆無常視官款為義賑貸銀者既無抵押妥保又不簽字蓋章名為公貸公還實則苛派地面抽捐分期攤還無論捐款能否籌足將來流弊不可勝言部款行款必至無着決難照辦東號事已與道勝商有辦法張監督同堃明日進關回京面陳一切飭等仍在此候示再行乞先代稟堂憲以慰垂念堃筱飭魚

廣東盧明之來電 十一月初七日

營口戶部行轉羅煥翁鑒葉產由官督同商會核辦此外無可辦理久住糜費無益擬即回滬乞代請示電覆光

致廣東盧明之電 十一月初七日

廣東義善源轉盧明翁洪電悉葉姓貨產究已變價銀若干電復以便電催粵督先

東盛和債案報告

行提繳公款破產律已奏准作廢此間事尚順手不至喫虧兄暫勿回滬來電用密碼餉

營口稟滬行黎監督電 十一月初七日

上海戶部行黎監督焦席鑒申東號事因破產律已奏准作廢各商無可藉詞辦理略為順手接濟市面諸多欠妥現已罷議張監督等明日回京餉

廣東盧明之來電 十一月初八日

戶部行轉羅煥翁鑒洪電悉欣甚此間貨產乞再電請粵督從速變價俾有銀數呈報光

營口致總行監督電 十一月初九日

戶部行張瑞監督鑒洪頃接徐菊帥電開支電悉西商創鉅痛深有此阻力本在意計之中但為市面維持起見設有妥當辦法不能因少數氣燄致有牽掣鄙意請伯訥京堂一律主持不必為浮議所動惑趁在營時議定宣布萬勿從緩致以後議論

更多坐失機會至為盼禱昌庚云云請接洽蔡道今日回津餉

營口致總行監督電 十一月初十日

戶部行張瑞監督諸公鑒申營行擬趁此機會將碼銀變作實在押款全賴現銀配搭零星使用營行現銀無多可否將帶來現銀由營行押貨於保全營行存款之中寓大部救濟市面之意且押款保險立案款項既不危險利息不至久擱否則餉等辦事界限分則事出兩歧行中名譽有礙不分則新舊牽混帳目難以分別不如仍請交營行總辦經協一手經理當此倒風未息能以少數之現銀救多數之過碼變虛為實較為穩妥與從前之空手放款不同餉等但求於大局有益并非意存推諉如蒙允准即乞回明堂憲電覆遵行並求示知利息期限餉

營口致總行電 十一月初十日

戶部行張瑞監督諸公鑒洪接農工商部電開張京堂張蔡沈三道臺鑒洪朔魚電均悉所陳市面情形及會議辦法四條詳密妥洽可照辦葉商容心倒騙仍嚴追云

東盛利債案報告

云張司使已回奉飭

總行張監督致廣東盧明之電 十一月十一日

義善源轉盧明之兄滬道交替亟待兄清理還款事宜請先回滬言

營口致總行監督電 十一月十二日

戶部行張瑞監督諸公鑒申商會議單擬貸部行款二百萬分攤各欠戶我行之欠款不提再貸奉直七十萬贖道勝押產加各項貨物產業外欠作銀二百八十萬已押我行變價之件在內統抵我行或售彩票歸還公款再拔利抽水補其不足似此辦法無論產業變價能否如數彩票能否通行還欠能否追齊我行尚有欠款五十萬反無着落諸乞裁酌指示方針是幸筱飭文

盧明之由廣東致總行張監督電 十一月十三日

戶部行張監督鑒電悉遵即回滬此間事宜俟到滬開摺詳告光

總行張監督來電 十一月十三日

戶部行羅牛鑒申電悉商會亦有電到部堂諭命查其產業是否足抵期限利息如何總之如以葉產外欠全抵本行借款二百萬並原欠款五十萬果其能值尚可商量如本行欠款無着萬不能辦言

總行張監督來電 十一月十三日

戶部行申密營口商會有電到部今日奉堂憲諭此次擬濟營市之款並非發帑乃部行自籌只能照商務辦法擇殷實有抵押之家出借仍須值多抵少照前所擬四條方為正辦今該商所請奉直兩省款尚未發到其道勝押產能否贖出即贖出產業所值能否較此次二百萬及本行被欠之數有餘利息期限如何須查明方可再商部中未便與之直接令尊處與關道妥商酌覆以憑呈堂言豐

營行致總行監督電 十一月十五日

戶部行張瑞兩監督及諸公鑒申函電均悉因俄款尚未往商直款尚未電覆我款亦未實在提議惟密查東號前開產業估值一百八十萬貨物估值五十七萬外欠

八十餘萬現又經葉某來行呈出產業貨物外欠等項共計三四十萬再按八折計算約共實值銀至少亦可一百七八十萬辦理得法或能足額不足則仍由現在得銀各家認定每萬按年拔利六百歸還至我行舊帳擬要求由現款內預先抽還倘二百八十萬之數以葉產售還不足於奉直及部行現借款內平均帶欠數十萬卽由各家拔利抽還約三四年可還清俟開議時再奉聞飭伊

營口致總行監督電 十一月十五日

戶部行張瑞監督諸公鑒申電悉葉商貨物股票尙易估計惟房產地皮難估外欠亦難如數作抵當謹遵堂憲示諭詳細查明必部行公款欠款足可相抵方敢議貸今日王總辦囑會同電覆各節請暫緩回堂俟查實再電稟刻晤商會協理又欲扣提油餅飛及匯票另生枝節反覆無常恐貸款一事又成擗沙畫餅之局再查葉商封存之豆已沾潮爛臭麪粉亦恐霉壞請速電沈觀察變價存官筱飭

由營口致天津關道蔡觀察電 十一月十五日

天津海關蔡道臺鈞鑒洪督憲允撥救濟營市款項五十萬部電詢問何日可撥請

電示飭咸

由營口致滬行電 十一月十五日

上海戶部行黎監督焦席鑒申函悉東號欠款尙短五十萬前次抵押各件除去道勝有份押產兩抵尙虞不足現又密查扣到貨產多款有盈無絀惟營行尙有浮存各爐房銀八十餘萬已成過碼難收現銀市面不好風險更大現已商令營行將過碼陸續改作押款變虛爲實業已趕辦乞告各股東勿念寄來匯票清單已密查無誤惟大吉玉大德玉票云已寄申是否電覆其餘帳本來查昨部電囑營行詳鈔寄京想部堂另有辦法飭咸

總行張監督致關道沈觀察電 十一月十六日

道臺沈鑒洪在營諸承照拂感謝刻據行電云封存葉商豆石麪粉已沾潮恐霉壞請督飭照市變價存官言

總行張監督致吉林東督徐欽帥電 十一月十六日

徐欽差鑒洪由營寄到電示祇悉整頓營市辦法須地方官斟酌實行弟已回京未便主持惟營誠三省商務咽喉商人程度不足處此商戰之世若不設法恐後患未已尊處請早圖之言

關道沈觀察致總行監督電 十一月十七日

度支部銀行張監督鑒電悉豆粉易變誠如尊諭已告商會召變價款存儲桐筱

營口致總行監督電 十一月十八日

戶部行張瑞監督諸公鑒申營商貸款一事變端百出年內難望速成飴受寒患病懇賞假回京調理帶來現銀銅元留牛筱舫看管所有葉商貨物房屋估單并外欠細帳帶京面呈如蒙恩准示覆遵行飴

東督徐菊帥致總行監督電 十一月十八日

度支部銀行張京堂鑒洪營埠此次壞局賴執事竭力維持商情始定曷勝感佩以

後整頓辦法當飭地方官悉心籌畫實力施行執事主持全國財政尤希隨時指教以匡不逮爲感昌筱

總行監督來電 十一月十八日

戶部行羅鑒申電悉尊恙甚念祈善珍攝執事在營堂憲倚重務祈勉留營商貸款恐無成局押款廣告已出望公主持辦理碼銀搭借亦可總以保全現銀新舊分界爲妙統祈便宜酌辦言豐

營口致總行監督電 十一月十九日

戶部行張瑞監督諸公鑒申電諭祇悉賤恙蒙念感切菊帥前日有電諭至商會貸款一事頗有轉機現竭力與各代表磋商妥協公款欠款均有切實着落果無異言再行稟陳筱飴

總行監督來電 十一月二十日

重聲棧羅鑒電悉營商借款事部堂不甚願意日後恐係本行之事利息未便多減

至少以月利七釐爲率言豐

營口致總行監督電 十一月二十一日

戶部行張瑞監督諸公鑒申電悉營商貸款沈公因市面岌岌可危荒信日緊竭力維持惟我行欠款各商仍堅執公攤西幫尤甚再四力爭沈公以畧減貸款利息爲調停之計始各承認已立草約簽字所訂各款申明請堂憲監督批准後爲定貸款利息還求減讓一釐年利六釐一年爲期餉等伏念此事能與營行欠款浮存兩有裨益且期短喫虧無多務求准如所請以免事敗垂成可否乞電示遵復餉

營行王總辦致總行監督電 十一月二十一日

戶部行監督及諸公鑒營商公借官款昨晚將草合同在道署簽字大致與前寄商訂辦法相同細節尙待磋商詳情已由煥翁電致乞酌量稟商堂憲如有指示之處尙祈電示爲荷伊叩

營口致總行監督電 十一月二十一日

戶部行張瑞監督諸公鑒申營行欠款營商貸款辦法已同沈觀察王總辦摘由公電詳達貸款內搭用銅元十萬兩此項價銀日後即在二百萬內提還總廠然大綱雖定頭緒繁多尙需面商准定帶草約及各項帳單明日回京面稟一切現銀等仍留妥友看管勿念復餉

營口沈羅王公電 十一月二十一日

農工商部度支部堂憲盛京督撫憲天津督憲戶部銀行監督鈞鑒營商東盛和案追欠還債辦法經於蒸電陳明在案旬日來各商因從借官款未能定議市面仍多震驚迭次傳集衆商婉切勸導指陳利害直至二十日始翕然聽從大概辦法擬將葉商財產物業外欠等項公估約值二百六十萬兩全行抵借公款二百萬兩以資接濟六釐起息以一年爲期由戶行儘於期內將一切押件招商變賣如一時難盡出售或編作彩票詳由省憲咨行各省各埠分銷人欠葉款官爲嚴迫並交部行彙還公項如有不敷卽由得款債戶每萬兩歲撥利銀四百兩分年補還以公款本利

全清爲止若所差尚巨則在本埠匯水及借費經紀等項內籌補其葉商押在道勝銀行之件卽由直省協濟五十萬兩及奉省協濟銅元二十五萬兩取贖一同抵與部行變價仍由部行在變產撥利各項內歸還總以公款商款戶行欠款如數清楚始免撥利款未還足不得邀請豁免其戶部銀行欠款暫同與各債戶均攤俟由貨產變價編售彩票內提還將來查有葉商私匿財產仍先攤還債款以昭商信現全體商人暨各幫代表均已認可與戶行公立合同三份分別收執存案照此定議約計各欠戶所得之債已在五成以上全營商業可免傾危官款暫濟一時缺乏計期可以歸償無虞短欠一舉兩得商民市面利賴無窮轉瞬歲闌羣情望澤倘蒙核准電覆並懇將部款迅速分批運營涸鮒頓蘇大局自定職道等多方籌議筆禿唇焦衆論既已僉同辦理當有把握除分電督將全案情形並合同鈔呈備案外謹先撮要電陳羅飴王伊沈桐謹稟馬

由營口致滬行電 十一月二十一日

上海戶部行黎監督焦席鑒申東號欠款營商貸款兩事現由營商各幫公貸部行款二百萬兩年息六釐以葉商營粵全體房產貨物外欠抵於銀行變價還部行貸款及營行欠款如有不足由領貸各家每萬兩歲拔利銀四百兩還至本利全清爲止業由商會各幫代表訂約簽字立案所訂條款俟呈部堂批准後爲定查葉商貨產外欠折實約值銀三百萬左右似此辦法我行貸款欠款兩有裨益除摘由電稟部堂總行商部奉直督憲外合行稟陳以免憲厘其餘應商各事頭緒繁多明日回京面商再詳飭

營行王總辦致總行電 十一月二十五日

北京戶部行轉羅煥翁鑒申借款事有中止之說商民兢惕勉求鼎力事成我行可以流通挽回利權甚大不成我行欠款恐致減成暗受虧損必鉅股票鐵路票尤其明徵監督洞悉情形婉商當能有濟允否乞速電覆伊有

營行王總辦來電 十一月二十五日

北京戶部銀行張瑞兩監督羅煥翁鑒電悉沈鳳翁已傳集商會及各幫面諭來電意各商矢口再無反覆請放心籌備借款伊有

營口商務總會公稟總行張監督電 十一月二十五日

北京戶部銀行張京堂鈞鑒營商抵借公款合同經全體簽認定議後人心安帖今聞戶部行漾電直隸允籌款五十萬擬作罷贖產無資借款恐無成議等語此案迭蒙列憲及道憲戶部行竭力維持統籌妥計始有轉機且逼近年關銀根緊急前議倘有更動則全埠恐慌將復不支況此公款即以葉產作抵不足之數仍由全體商人擔認是公款有着商界賴以補救仍求憲臺體帖商艱恩准作主轉稟度支部堂憲務將蒙允借發公款二百萬迅賜照發感戴無極除公稟各憲及道廳代懇外謹先上聞營商會並全體商人公叩有

滬行致總行電 十一月二十六日

北京戶部行總羅鑒申東號事由營商各幫公貸戶行款二百萬以葉商一切抵與

戶行變價歸還今申各莊應照營商各幫公貸在內因粵產已發封歸公申莊無從著落廣德泰與東號本係父子理應一並辦理始昭公允須由滬商會電達營會及營道請兄從中竭力設法以維大局餘信詳公何日往營電覆光

營行王總辦致總行電 十一月二十六日

北京戶部行羅煥翁鑒申有電悉乘機要挾將葉貨及現款先提還我行倒帳請公來電云監督商明餅油飛及福成怡昌泰款不准各家扣抵須先歸公款爲要伊宥由總行致營行王總辦電 十一月二十八日

營口戶部行王總辦鑒申電均悉部行之款弟已竭力設法不至決裂惟恐晉商自失信用再有後言又恐各商扣抵匯票餅油飛故有遲疑直督之款亦同此意非晉商電請奉督轉懇直督部堂總行不可滬商有電與弟云廣號與東號本係父子須歸總結案弟已痛駁回絕均乞密告沈朱兩公接洽爲要飭

營行王總辦致總行電 十一月三十日

北京戶部行張監督羅煥翁鑒營市以借款定臘一卯期我行借貸照上卯利過帳矣并又做爐銀押貨產十三萬東案借款北洋以支絀故頗難定局如由北洋出名向部行借二十五萬似可通融道勝贖產六十萬有成說以私計將來不過虧三四十萬三年定可還清部行不至受累俟覆估後望公主持從速定議為禱伊卅

粵督致總行監督電 十一月三十日

度支部監督洪東盛和欠款案現據廣州府稟據香港榮新行司事關佐臣供稱桂陽輪船所載之豆係和泰公司由營口裝來寄交榮新與東盛和無干其和泰字號住在東盛和號內等語查營商葉亮卿所開東盛和五家是否即有和泰字號在內希查明電覆並將五家字號逐一示知粵督鑒

營行王總辦致總行電 十一月三十日

北京戶部行監督鑒申廣益款津行祇匯京十萬餘十萬扣抵明年三月期款殊欠公允監督統籌全局總乞折衷主持以權緩急伊卅



營行王總辦致總行電 十二月初一日

北京戶部行羅煥翁鑒北洋款支絀擬由部行認借二十五萬關道囑轉託贊成可否唯酌伊印

營行王總辦致總行監督電 十二月初一日

戶部行監督鑒申查據葉云和泰公司係葉商所開專為運港粵餅油豆而設前與榮新已有專函由煥翁轉致京行交顧公毅帶往粵省并關道另有公事由奉寄粵督憲為憑無任榮新狡賴

營行王總辦致總行電 十二月二十七日

北京戶部行監督鑒申前面囑道勝產由我行贖管似有把握該行現責諾於關道我行約須銀五十五萬倘借款事成另將奉直款補入二百萬內不成我有把握適如尊囑可否乞速電示又東號財產先交我行商有端緒俟妥再奉聞伊

右光緒丁未

東盛利債案報告

總行總辦事務處覆滬行電 正月初九日

上海戶部行黎鑒洪煥翁今日往營事已分電粵東督將葉產查封備抵行事約無大礙

關鶴舫由香港致總行事務處電 正月十一日

戶部銀行總辦事務處鑒申公毅翁到港查辦榮新事鶴初六亦到即與會商查大德通等在港稟控榮新勝訟在先並勒榮新繳款我暫難沾手俟設法查例能否續控再辦鶴今晚隨公翁入省惟前封怡昌棧油豆久恐變壞並股票等乞分電督憲交鶴變賣先得現銀如何電示鶴舫

由奉天稟總行監督電 正月十二日

北京戶部行張瑞監督鑒潘行帳目核對無誤徐唐兩帥會議營事深盼部行發款亦以各條辦妥為然囑與沈道妥商辦理飭准明日往營飭致滬行經協理焦席電 正月十四日



上海戶部行焦席鑒申弟昨往潘行查核帳目並與徐唐兩帥會議營事今晚抵營仍寓重聲棧此間市面平穩大有轉機乞奎兄等速來飭

由營口稟總行監督電 正月十五日

北京戶部行張瑞監督鑒申飭昨晚抵營暫寓重聲棧營口市面略好小洋換爐銀已漲至六十四元半王總辦急請交卸飭擬俟奉到部劄並總行明文再行逐款清查請示辦理飭

由營口致滬行電 正月十七日

上海戶部行焦席鑒申請探問瑞和洋行臘月二十二日拍賣域多利輪已否賣去售銀若干如何分派乞即電示飭

關鶴舫由粵省致營行電 正月十八日

營口戶部行榮新款大德通等在港控告得直尚未領款鶴隨公毅稟粵督如營商公款借不妥我須續控方能同分倘公款妥葉產應歸我行可無續控如何電示鶴

東盛種債案詳告

舫

由營口稟總行監督電 正月十九日

北京戶部行張瑞監督鑒申東號各條尚未實行道勝總行來電要收十足不能折扣域多利輪船已為滬商拍賣商會要扣抵餅油飛香港貨價為西商控留北洋款難如願諸如此類抵款愈少行款愈不能借現擬虛與官商委蛇設法將已到手之件請官立案並將貨物價銀由行存扣以抵欠款站穩地步再行宣布不能借款實情我公如以為然請電示遵順報小洋換爐銀六十七元零餘

滬行經協理焦席來電 正月十九日

營口戶部行羅鑒申電悉探知域多利輪船拍見元一萬三千兩除拍用七百五十餘兩餘元該行送英公館轉送新署聞該款歸營公派此中詳細請兄向營商會調查昱光

上海錢業董事覆營口商務總會電 正月十九日



營口商務總會鑒廣德泰住房是租只有生財估值銀三百兩應扣代還房租兩月銀一百十兩並無別貨所有域多利輪船奉道憲諭拍賣得銀一萬三千兩聞尚須除船費開繳數千兩銀被道勝扣住現存會審公堂此事須營地與道勝交涉尊處諒有接洽錢會董暨各莊同叩

由營口稟總行張瑞監督電 正月二十一日

北京戶部銀行張瑞監督鑒申王總辦約明後日交帳餉擬將帳目先行接收再憑帳清查款項無論王總辦經手東號荒帳各家欠款押款以到期如數收到現銀之日即為王總辦卸責之時未收到現銀以前各帳項如有短少荒閉錯誤事故仍請部堂監督責成原經手人清理以清界限事關公款交接責任重大理合先行電稟聲明在案如蒙許可恭候示遵餘

由營口稟總行監督電 正月二十一日

北京戶部行張瑞監督鑒申連日請關道將東號貨物由官變價存行關道仍交商

會拍賣所有麵粉豆子業歸各商承買意欲先領貨後交銀似欠妥協茲已請關道見銀發貨以免銀貨兩空乞再電託關道爲叩飭

廣東關鶴舫來電 正月二十二日

營口戶部銀行榮新款大德通已在港控告得直尚未領款鶴隨公毅詳稟粵督如營商公款借不妥我須在港續控方能同分倘公款妥葉產應歸我行可無續控如何電示寓永記鶴舫

王總辦由營行致總行電

北京戶部行監督鑒東號麵豆已賣約計爐銀十九萬已向關道商明提存我行惟頃由京電知關道先銀後貨方爲正辦可否即請電商煥章直接辦理伊定於明日交帳二十四五可回京矣晤時再細陳一切伊養

北京總行監督來電 正月二十四日

營口重聲棧羅鑒申電悉功過責成固有界限惟本行款項大局所關補救維持惟

公是賴務祈不分畛域竭力清釐並可仍留原經協理清理經手未完事件爲妙售貨事已電託鳳翁乞接洽言豐

總行監督致關道沈觀察電 正月二十四日

營口道臺沈鳳翁鑒洪恭賀新禧接營行電知東號貨物經公主持變價極感惟須銀貨兩交方爲妥洽餘乞與羅煥翁面商言豐印

由營口稟總行監督電 正月二十五日

北京戶部行張瑞監督鑒申兩奉電諭祇悉營行事當謹遵憲意實力辦理原經手人均未開除現正接收帳目清理各款惟錦州長春吉林三號相距較遠往返清查不易乞畧寬時日開具清冊呈請立案大連分號既爭權利誠不容緩遵即前往設立准定西歷三月開張乞咨稅務處電知該關接洽爲叩飭

由營行稟總行監督電 正月二十六日

北京戶部行張瑞監督鑒申王總辦已於今日回京約數日即來所有交代未完經



手帳款仍留原經手劉關鍾三人幫同料理館同王奎元兄於今日駐行辦事知念稟聞飭

稟總行監督電 正月二十七日

北京戶部行張瑞監督鑒申慶豐該營行款十七萬兩營行前雖已將此款抵歸藩行究係營行之事現張蔚亭又來營催了該號竟毫無交代乞告四明兄就近面商張燕翁或還現款或改押款或另有妥當辦法當此新舊交替四翁儘可措辭如有頭緒立盼電覆商會拍賣貨款再四向爭已允銀貨兩交銀先交官由官存行俟收到再稟飭

致總行總辦事務處電 二月初五日

北京戶部行黎劭翁鑒申去冬京行協濟款三十萬息銀前電監督請示辦法未奉回諭乞速賜覆飭

稟總行監督電 二月初九日



北京戶部行張瑞監督鑒申閱報知商部重訂破產律即將入奏不卜該律有無關礙銀行公款之處乞迅賜調查補救為叩飭

致總辦事務處電 二月初十日

北京戶部行總黎劭翁鑒申電悉股事已稟陳管見兩次亟思回京奉商全仗鼎力主持力爭現因東號押款道勝堅欲拍賣正在交涉俟妥即行飭

致廣東關鶴舫電 二月初十日

廣州燈籠街永記號轉關鶴舫兄鑒申函悉港款已請商會自行設法提歸營案辦理公款可望有成怡棧貨物迅速變賣以免霉爛已與商會說妥不必過慮房屋如能變價亦速售現銀匯滬諸事請二十前辦妥費神公感飭

致廣東關鶴舫電 二月十一日

廣東燈籠街永記關鶴翁申商會言港款我行可分二成五如可照分請速具領飭廣東關鶴舫來電 二月十七日

營口戶部銀行羅鑒申函電悉屋暫難售貨物商妥再沽兩田已見面查出田三十餘畝鐵路三百股餘訪無別產應否拿辦請電示鶴

致漢行徐信持電 二月二十二日

漢口戶部行徐信持兄鑒申請探訪桐椿紙煙公司四川人王乃畚兄因有紙煙事奉懇請其火車來營並請代給川資百元付營行帳電覆飭

總行監督來電 二月二十三日

營口戶部行羅鑒電悉借款前電至少月利七釐即減讓一釐亦須月利六釐來電年利六釐與各行長年存款利息正同暗貼運匯之費慮籌款之行不願營行欠款能先扣出否餘俟草約寄到回堂再定言豐養

稟總行監督電 二月二十七日

北京戶部行張瑞監督鑒京行去冬救濟營市款項務求俯念營行受創太大較尋常存款不同此次飭奉委來營原爲全局幫忙起見應請總行格外維持可否本年



二月起作爲長期存款年利四釐二月以前懇請免息如蒙慨允當繕存單寄京因此項不說明營行去年盈虧無從核算盼切禱切飭

致滬行經理協理焦席電 二月二十七日

上海戶部行焦席鑒申現宜預備羅卜贖道勝東盛和押款如仙令看縮乞代進相宜遠期羅卜五十萬此事千萬祕密飭

營行致滬行電 三月初九日

上海戶部行鑒葉商押在道勝產業議定由我行墊款取贖現應交上海道勝羅卜八十五萬元請照道勝現在收進羅卜價作規元每百兩除羅卜一元限下禮拜一交清業已訂立合同請即照交妥覆

稟總行張監督電 三月十一日

北京戶部行張監督鑒接關鶴舫電葉貨已售出銀二萬五千餘兩候撥乞電粵督飭府縣將款發交鶴舫具領匯滬飭叩

致廣東關鶴舫電 三月十一日

廣東燈籠街永記號關鶴舫兄鑒電悉辦事神速感佩貨款已電京轉粵督交兄匯滬後回營館

致廣東關鶴舫電 三月十一日

廣東燈籠街永記號關鶴舫兄鑒申葉商貨倉各貨並前請官查封各件一概速爲變價幸勿再遲售銀若干陸續匯存滬行諸乞早了回營香港款如不得手請決計止辦館

廣東關鶴舫來電 三月十一日

營口戶部銀行羅總辦鑒貨已售楚約二萬餘兩遲半月方能銀貨兩清發來等款已繳五千餘二千轉難辦經官比追所得款乞電粵督匯滬榮擬回營如何電示榮

營行致滬行電 三月十三日

上海戶部行申道勝款八十五萬羅卜妥否急覆

致滬行經協理焦席電 三月 日

上海戶部行席德翁鑒申廣德泰欠滬莊各款弟已赴津與關道沈公面商如借款事成當可從中設法幫忙乞轉各莊爲荷館印

營行致羅總辦電 三月十五日

北京戶部行羅煥翁鑒行道勝契券如數昨日取回勿念昆瀨

營行致羅總辦電 三月十七日

北京戶部行羅煥翁鑒行昌平德油坊仿投票法登報召租以月底爲限擇價大者租之雖已有人還價未到限不能即租王四翁專爲此事來京請緩與定議餘函詳昆瀨

津行經協理倪岳來電 三月十七日

營口戶部行羅煥翁電悉葉商債結本利收回非公曷克臻此敬佩宏埜

羅總辦致營行電 三月十七日

營口戶部行席王鑒行二官塘價銀收到電覆飭

羅總辦致營行電 三月十八日

營口戶部行席王鑒行電悉昌平德事准其月底定議飭

羅總辦致營行電 三月十八日

營口戶部行席王鑒行借款事可成請先布置妥協候電覆再宣布飭

營行致羅總辦電 三月十九日

北京戶部行羅煥翁鑒行二官塘地價已收到勿念現正布置匯票俟妥電告昆瀨
廣東關鶴舫來電 三月十九日

營口戶部行羅鑒貨款奉督憲批候望案定方允匯滬以免軫輻榮辦理不善現亦
無事可辦應否回營請電示榮

營口關道沈觀察來電 三月二十一日

戶部銀行羅煥章觀察鑒電悉已遵來意宣布登報款事數日無耗張監督回京否

營商焦盼望復銅元奉菊帥電照准並聞桐馬

羅總辦由北京來電 三月二十二日

營口戶部行席王鑒行電悉昌平德油坊京行有天津商人還過年租二萬兩押租
先收一年地租歸本行出尙未定局如營商能照定弟擬先儘營商速急電復飭

羅總辦致營行電 三月二十二日

營口戶部行席王鑒行寄來信件均收到茲在京行用定二十五期十萬初一期二
十萬已由京行函詳乞接洽營商借款照准我行布置已妥否速電覆飭

羅總辦由京致關道沈觀察電 三月二十二日

營口道臺沈觀察鑒電悉閱邸鈔我公榮任東邊可爲得人之慶恭賀大喜營商借
款張監督已允竭力幫忙俟部堂批准即當電告大約可望有成飭

營行致羅總辦電 三月二十二日

北京戶部行羅煥翁鑒行昌平德油坊有人還租價營寶銀一萬七千五百兩地租歸本行付租否急電覆昆瀨

營行致羅總辦電 三月二十三日

北京戶部行羅煥翁鑒行電悉營商斷難出此大價京行若果有遞此價者望速定妥乃禱昆瀨

羅總辦由北京來電 三月二十五日

營口戶部行席王鑒行錦號禮耕公司押款一事部中已有所聞請催原經手保人速爲了妥電復再遲恐生枝節再正金租房張建功地請託潘玉田兄早爲議定價值歸我行買妥以免日後糾葛飭

羅總辦由北京來電 三月二十七日

營口戶部行轉呈沈觀察朱太尊商會總協理各幫代表均鑒葉商債案辦法承諾公重託深恐畧失信用無以報命茲已力求張監督呈請部堂照准電請東督入奏

惟庫款支絀大半均鑄龍圓銀須營行自籌未免耽延時日現商懇部廠撥借大龍元二百萬元運營備用知關垂注用特奉聞查榮新款紙煙廠張建功地人欠葉款域多利輪以及未了各事均乞設法早了電復至感至禱飭沁

羅總辦由北京來電 三月二十七日

戶部行席王鑒行函電悉轉帳報帳單請照辦總廠銀角請在滬減售或運回營均可借款事已奉部准款由行籌今已電知東督入奏榮新款紙煙廠及未了各事請催商會速了兩兄辦事妥協監督及京津行均佩服飭

營行致羅總辦電 三月二十八日

北京戶部行羅煥翁鑒行張建功地潘玉田竭力勸導彼非二萬金不可請大才酌奪速覆用定京行月底期二十萬望由京劃與厚德瀨

東督徐欽帥致總行張監督電 三月二十九日

北京度支部銀行張京堂鑒洪沁電悉營事賴大力維持辦理周妥級感無既俟羅

沈二道稟覆到奉即繕疏入奏昌豔

關道沈觀察致總行電 三月二十九日

北京戶部銀行張監督羅觀察鑒兩沁電悉部堂照准款由行籌撥借二百萬元運營欣慰無似即日宣布各商深感德意仍望現款速到以慰羣情承詢各節榮新事已由英領事電致港官將款仍匯營口歸入債案張建功地租由商會極力勸導從少數收諒可酌減域多利輪船已由營移滬道將款扣留交滬戶行俄領事亦將清結實情告知滬領不再干預德芳公司與日商正在磋商將已定之煙退回各債戶不能公認總期不致吃虧特詳復桐豔

海防廳朱太尊致羅總辦電 三月二十九日

北京戶部行羅觀察鑒沁電敬悉感佩無既囑件應趕辦營商電懇係實情乞公贊成兼謝張監督蓮叩

商務總會致羅總辦電 三月二十九日

北京戶部行羅觀察鑒沁電敬悉闔埠均感惟沈道憲補授東邊行將履任葉案甫有眉目頭緒仍復紛煩洋款磋商動關緊要遽易生手反覆恐多伏乞轉求張監督代懇度支部堂憲俯念營埠商艱准即電請奉直督撫憲緩予量移能借寇兩三月當可就緒祈公竭力斡旋迫切待命營商會總理達球各幫代表公叩

羅總辦由北京來電 四月初一日

營口戶部行王奎翁鑒友兄昨已到京債案借款茲定初三日先運銀元七十萬元來營請暫存行俟各事大定商妥再發餉

關道沈觀察致總行電 四月初二日

北京戶部銀行羅觀察鑒電悉初二運七十萬來營已飭沿途兵警照料惟甚仍望後批續運以期債案速了菊帥所云俟稟復到即行入奏是指奏結而言借款事前已稟明至於入奏須俟全案辦結方可入告現在大致雖已就緒而各國洋商欠款諸多議論尚在磋商一切未結事宜正在次第籌辦此案端緒甚繁指視極嚴不能

不事事靠實穩占地步目前盼望現款全發以饜衆商之望而紓市面之困案結上聞時當由敝處聲明會同字樣以省繁瀆公熱心營事甚盼來營會商一切請轉陳張監督桐冬

東督復關道沈觀察電 四月初九日

沈道洪陽電悉造幣廠新鑄龍元已由津運營自應照北洋龍元隨市價行使不能與東三省新鑄龍元有定價者一律候通飭各屬出示曉諭可也督青印

營行致羅總辦電 四月十三日

北京戶部行羅煥翁鑒行正金向商會索開葉產估價單商會詢我行如何開價能否照前估之價開去抑再將價作小乞急電復瀨

羅總辦由北京來電 四月十三日

營口戶部行王奎翁鑒行電悉正金索葉商估價單准請作小開交商會我行不可與正金直接爲要飭

羅總辦由北京來電 四月十七日

營口戶部行王奎翁鑒行函均悉張建功地請照辦能再減千金更妙保總辦股款庫足三千七百二十兩代付訖註誠厚記帳友兄及我兄十八日訂立合同友二十回營飭

總行總辦事務處來電 四月二十日

營口戶部行羅煥翁鑒行接粵督電云東盛和倒欠鉅款案已追出葉商所佔各產現股本共銀六千數百餘兩存廣州商會應匯解何處盼復等因已由張瑞兩公電復請將追出之款匯交滬行歸帳矣總

東督致關道沈觀察電 四月三十日

沈道台洪頃准粵督電稱葉商東盛和案桂陽輪船載港之貨先由榮新行變價十五萬餘元嗣經大德通等號赴港控告由港官將榮新賣存價銀提歸公堂候判現未斷定應歸何人並無扣留待領之說前奉三月漾電囑照會港督將該數撥至營

口均攤當查此案港官尚未判斷不易請其撥解營口如由榮新及大德通等出具公呈請歸營口辦理港案自可注銷經派營口銀行協理關國榮至港與榮新大德通等磋商二旬有餘乃榮新行異常狡獪不願在營攤欠大德通等號亦意存諉卸桂陽所載之貨全係葉商資本聞東盛和祇欠榮新二萬餘該行竟欲將十五萬元貨價全吞甚為無理惟此事若由銀行主持恐難得手似不若飭令葉商之子將榮新吞何貨價各節詳敘供詞赴駐營英領呈遞請其轉電港督一面派員偕東盛和司事赴港直接控告較易辦結是否仍候卓裁此案葉商與榮新行難保無暗中勾結葉商之子是否肯具供詞赴英領事呈遞即希查悉情形妥籌辦理抑或另有辦法並希酌奪見復督勘印

稟總行張瑞黎監督電 五月初九日

北京戶部行張瑞黎監督諸公鑒王四明兄官款尙短營寶銀四百九十兩請即在幫助款內提出由京行匯營爲荷飭

營行致羅總辦電 五月十八日

山海關同豐公司呈羅總辦鑒應收人欠葉款二十萬經道憲竭力磋商加五萬均爐銀至臘月一如數找齊由商會及衆債主擔保龍元准作七錢三分惟作價已大市未通行恐發出卽回殊慮壅塞造幣廠後批龍元可否不發來營餘函達昆瀨

關道沈觀察致羅總辦電 五月二十日

北京大清銀行羅煥翁鑒債案事千頭萬緒幸已完全連日營商必欲攀留不放弟行誠恐人心驚疑有礙大局經與總協理熟商定期二十五日起照單發款並已出示羣情始定現定二十二起程公能速返尤所至盼桐箇

關道周沈二觀察致總行電 五月二十一日

北京大清銀行瑞侍郎張監督黎京堂羅總辦鑒債案今日總協理與全體營商議定借款一百五十萬兩準於本月二十五日起由商會先開清單繕具三聯票按照原欠分成勻攤分日赴領此事全仗鼎力維持官商同感債案已了桐並無經手未

完事件十八交卸擬於二十二日赴奉天乞代告度支部農工商部堂憲長齡桐
關道周觀察致張監督電 五月二十一日

北京大清銀行張監督鑒二十一日營口戶行與營商全體議定葉債案準於五月
二十五起將一百五十萬兩按照原欠由商會開明三聯單分日照領此事全仗鼎
力維持全營感戴馬印

營行致羅總辦電 五月二十一日

北京戶部行羅煥翁鑒行沈道本定明日去營商會及各債戶恐沈道一去事多中
變且慮人心惶惑妄起謠風故特堅留須請辦到借款發出然後再行茲經沈周兩
道竭力懇商囑我行允自二十五日起將借款陸續發領再三籌思不允所請事誠
爲難故我行已暫應允兩道並已會電來前惟事關重大能請即日回營主持一切
尤爲盼禱昆瀨

羅總辦由北京來電 五月二十一日

營口戶部行轉商會潘總理李協理鑒營商借款奉諭准分三批交付第一二批儘
六月交訖未批俟營粵款齊即交以昭慎重請接洽飭

羅總辦由北京來電 五月二十一日

營口戶部行席王鑒行龍圓務請設法通用張瑞監督甚爲注意磚窰煙廠昌平德
請限三日內接收妥協電復飭

羅總辦由北京來電 五月二十一日

營口戶部行席王鑒電悉營商借款已定二十五發領未爲不可惟仍分三批第一
第二批准先發交商會轉付未批五十萬無論如何定須俟粵款及人欠款收到方
可照付此項人欠之款去冬已載明條款非現在故意留難誠恐將來收數短少事
關部款本行及新舊道廳憲並商會總協理均負責任萬不可聽信要挾稍事遷就
至要至囑飭

營行致羅總辦電 五月二十一日

北京戶部行羅煥翁鑒行磚審已經收齊昌平德德芳約明日可以收楚正金款業經解清勿念昆瀨

羅總辦由北京來電 五月二十二日

營口戶部行分抄轉呈沈周兩觀察朱太尊商會總協理各代表均鑒借款債案蒙公等始終成全部堂監督異常感佩茲已蒙允准二十五日起先發百萬餘五十萬俟營粵款收到即發決不失信乞即傳諭各商毋庸疑慮諸承費心專電鳴謝飭

羅總辦由北京來電 五月二十三日

營口戶部行席王鑒行德芳煙廠總行意擬儘存貨做成煙捲裝粵出售兄意如何電復飭

營行致羅總辦電 五月二十三日

北京戶部行羅煥翁鑒行電悉今日商會集議擬就辦法現由本行先交一百萬其餘待粵款領到再發萬一粵款至七月不能領到將五十萬內除去粵款發給人欠

葉款二十五萬至臘月一如數繳清由商會及各債戶擔保照此辦理能否可行電復台駕務請來營一行商定一切再往湘滬尤妙昆瀨

羅總辦由北京來電 五月二十四日

營口戶部行席王鑒行電悉商會所擬辦法有各債戶擔保事屬可行即請照辦以慰羣情飭二十七快車往漢如有要事請電商飭

營行致羅總辦電 五月二十九日

漢口戶部行轉羅煥翁鑒行電悉德芳昌平德恆豐審均已派人接管煙廠定貨賠款歸商會理直不與本行相干龍元訂明搭用一半第恐作價太大去而復返不能不收閣下事畢望即來營盼甚禱甚昆瀨

致廣東關鶴舫電

廣州大清行轉關鶴舫兄鑒電悉葉商債案已定營粵產業貨物現款均歸戶行承受現擬派友來廣接收商辦各件請兄候友到接洽後再回營勿誤飭

東盛和債案報告

總行致羅總辦電 六月初四日

長沙太平街羅元興轉羅煥翁鑒行密粵督電云東盛和倒欠鉅款案已追出葉商所佔各處現股銀六千數百餘兩存廣州商會應匯解何處盼復等因已由張瑞兩監督電復請將追出之款匯交滬行歸帳矣總

營行致廣東電 六月十二日

廣東省城濠畔街厚德票號請問周冠伯曾否到乞電覆戶部行

羅總辦由長沙來電 六月十六日

營口大清行電悉銅元請速領不可再誤黃縣分銷餉回營設法昌東兩廠是租是購來電不詳乞即為電復漢行轉交弟今晚赴漢餉

營行致羅總辦電 六月十六日

漢口戶部行轉羅煥翁鑒行電悉銅元已派人去領昌東兩廠有人欲購買該價若干電示昆瀨

羅總辦由漢口來電 六月十七日

營口戶部行席王鑒行電悉東昌兩廠既有人購機不可失請兄通盤籌算分別估定價值電示再行開價弟今日赴滬餉

營行致羅總辦電 六月二十日

上海戶部銀行羅煥翁鑒周冠伯兄自營起身後迄今並無音信商會及周道憲催促甚急恐粵事再遲有意外之變究屬周君曾否往粵乞即電知以便轉告前途而慰眾望昆瀨

營行致羅總辦電 六月二十日

上海戶部行轉羅煥翁鑒行所詢兩處油坊估價一節今查核昌平德房地約值現銀六萬兩機器生財九萬兩東生怡油坊地除碼頭不在內計地三十四畝八現銀十七萬兩房屋七萬兩機器生財十三萬兩望酌奪電復昆瀨

營行致羅總辦電 六月二十一日

上海戶部行轉羅煥翁鑒行葉亮卿運動粵幫出面游說各幫公稟保釋各幫之簽字蓋章者已有數家惟體面商家均未簽字頃以稟稿送來欲令我行贊成但事多未了未便即行保釋我行對於此事究能贊成與否所關者大特此請示遵行急復爲盼昆瀨

羅總辦由上海來電 六月二十三日

營口戶部行席王鑒行電悉各商保釋葉亮卿我行按照公事而論未便出名列稟具保如請部示必被嚴駁好在弟回營在即定當另籌善策竭力贊成飭

羅總辦由上海來電 六月二十七日

營口大清銀行席王鑒行各電函均悉昌廠價十五萬請加二萬東廠價三十七萬請加三萬是否華商要購請電示姓名以備部詢飭

羅總辦由上海來電 六月二十九日

營口戶部行席王鑒行電悉周大病現已赴粵勿念兩廠請催問前途是否要買速

復因此地亦有人要飭

由上海稟總行監督電 六月二十八日

北京大清總行張瑞監督鈞鑒營行債案抵受東生怡昌平德兩油廠現已在滬覓有受主購買已在議價惟東生怡碼頭貨倉應否提留或須一同出售請電示遵行飭

營行致羅總辦電 六月二十九日

上海戶部行轉羅煥翁鑒購昌平德東生怡是漁業公司總辦代奉天官銀號詢問云是菊帥之意所有周冠翁現在曾否到商會屢次來催謂接粵信恐有中變祈周君即前往以免意外昆瀨

總行監督致羅總辦電 六月二十九日

上海戶部行轉羅煥翁鑒行電悉油房覓有受主甚妙碼頭貨倉是否并售請看價值酌辦弟等不爲遙制言豐

營行致羅總辦電 七月初三日

上海戶部行轉羅煥翁鑒商會云拍賣域多利船價望總辦在申向收設或有何阻力祈請示知灑叩

營行致羅總辦電 七月初四日

上海戶部行轉羅煥翁鑒行刻據英領事咨道憲謂接香港民政司函稱周君攜往一切公文均已收悉惟此案榮新所控是葉雨田出面此係亮卿具名殊難判斷祇有將前案如數註銷再望周冠翁率大德通等四家向港督控告則此案必能轉機望專電周君照辦再據道憲云大德通四家所請律師與英領函薦之律師須令周君會合兩造和衷辦理方妥灑叩

廣東周冠伯來電 七月初八日

營口大清銀行羅席王同鑒安帥派洋務局委員於初十同去港餘信詳冠庚
香港周冠伯來電 七月十三日

營口大清銀行羅席王鑒謁輔政司囑與皇家狀師商辦法云事關裁判中外官商未便干涉種因收果惟四號是賴明後見原告狀師磋商辦法再行函詳港事似難即了擬回省先將房產接收乞示冕元

營行致羅總辦電 七月二十三日

上海戶部行轉羅煥翁鑒行第三批借款商會同各幫代表懇求如數月底撥付粵款由商會擔保所收人欠葉款二十五萬現下先還本行二十萬其餘臘月一律交清能否可行乞卽電示灑

營行致羅總辦電 七月二十七日

上海戶部行轉羅煥翁鑒前電諒悉望卽覆爲盼昌平德已租出每月租金一千元試辦三月後其租價另議本當請示後再行定規因前途急待故已允許祈望見宥灑叩

廣東周冠伯來電 七月二十八日

營口大清銀行羅席王均鑒港事必須查核帳目或可料理一切細情筆難泐達今託鶴舫即當面妥商辦法候示遵行冕

羅總辦由上海來電 七月二十九日

營口大清行王奎翁鑒行電悉接周冠翁電港款難收恐有中變商會所請我行先行發款部覆不准飭

營行致羅總辦電 八月十二日

上海大清行轉羅煥翁鑒刻據道憲云香港輔政司致信駐營英領謂榮新款事務必周君與大德通等四家合控方為妥當並照港督須另派發審委員至營錄亮卿口供此案始可判斷望為接洽電致周君為荷灑叩

羅總辦由上海來電 八月二十日

營口大清行王奎翁鑒行昌平德已租去甚好東生怡現有租戶請合計按月租價若干速電復飭

廣東周冠伯來電 八月二十一日

上海大清行轉羅總辦鑒行電悉港事當遵示商辦惟昨奉督批准將貨倉碼頭啟封給領並飭會同廣州府商會估價召變俟公事由府轉縣後方可接收估價電請示遵但月內不及赴港矣再狀師擬開之單屢催未來知念奉布冕

營行致羅總辦電 八月二十二日

上海大清行轉羅煥翁鑒行電悉遵辦勿念東生怡油坊現有人還租價每年一萬五千兩本行要價萬八未妥尊處如有要主望裁酌欽帥到營晤見三次已將尊電之意代達欽帥詳詢東號債案辦理妥速皆公之力極為讚譽極為欽佩今晨已返節並聞灑叩

博山顧公達致羅總辦電 八月二十五日

上海大清銀行轉羅煥章鑒油坊租價二萬出月起租做處照辦孝

羅總辦由上海來電 八月二十六日

營口大清行王奎翁鑒行電悉東生怡機器房屋已歸顧姓租定每年租價現寶二萬兩出月起租弟今晚新銘赴津回京飭

致廣東周冠伯電 八月二十日

廣東厚德銀號王侶臣兄轉寄周冠伯兄鑒營口道憲函稱英領事接港民政司函稱周君攜往一切公文均已收悉惟此案榮新所控是葉雨田出面此係亮卿具名殊難判斷祇有將前案如數注銷再由周君率大德通等四家向港督控告此案必有轉機望專電周君照辦再前大德通等所請律師與英領函薦之律師須令周君會同和衷辦理方妥云云即請我兄准照關道來函妥籌速辦隨時電示為要飭

營行致羅總辦電 九月初一日

北京大清行轉羅煥翁鑒昌平德現有人欲購照尊示前訂十七萬之數似乎嫌大本行准何價可售望電示瀨

羅總辦由北京來電 九月初三日

營口大清行王奎翁鑒行電悉昌平德定價十七萬不能多減請斟酌議價電復華生已接洽卯事定可辦到今日在津行用定京銀十萬兩息六二五本月初 期詳津行號信飭

羅總辦由北京來電 九月初四日

營口大清銀行王奎翁鑒債案應追欠戶請函催朱太尊迅賜提追為要飭

廣東周冠伯關鶴舫來電 九月初五日

營口大清行羅煥翁鑒電悉貨倉已還前價尙未定到港交正在商酌候有端緒即電覆冕榮

致北京總辦事務處電 九月二十六日

北京大清行錢琴翁傅善翁鑒行出月初一營口官商會議預定臘月初一開卯歸現一事可望有成商部區額劉文乞代領專差搭快車送營為感飭

廣東關鶴舫周冠伯來電 九月二十七日

營口大清行羅煥翁鑒申榮新關君狡滑異常現由李陶二君居間磋商兼旬始允繳出十萬元將葉商名下往來各帳一筆勾銷惟營商會點存怡昌泰糖紙各貨若在該號欠款六萬八千之外彼意堅請發還如已變賣該款須在十萬元內扣除再祠屋田畝竭力繳洋六千粵路股票亦允繳出是否准行統乞示遵至怡昌貨廠已有數人出價至多不過十五萬元此事但宜稍緩或可增添知念奉聞榮冕

致廣東周冠伯關鶴舫電 九月二十八日

廣州大清行轉周關兩兄鑒申電悉榮新僅出十萬元再扣去六萬四千元又訟費萬餘元所餘無幾決難照准此事請仍歸四家原告辦理我行已將債款扣住可以不問請冠翁將商會代表證據全行寄還至貨倉碼頭非增價不辦葉祠房田總行回電據其本家云所值甚巨請兩兄再磋磨能添至一萬五千元方好交代飭

致廣東周冠伯關鶴舫電 九月二十日

廣州大清行轉周冠伯關鶴舫兩兄鑒申電悉榮新如不讓步不必磋磨另有辦法

貨倉碼頭祠房倘無增添亦請緩售鶴兄請先回營飭

廣東關鶴舫周冠伯來電 九月二十日

營口大清行羅總辦鑒申電悉港事遵諭不理證據當即函寄惟此事原委理應陳明非冕等之不力也查核榮新各帳桂陽船貨沽見除費計港銀九萬四千餘兩怡昌泰欠款營平銀六萬七千餘兩折合港銀約五萬兩左右二共港銀十四萬餘兩除去東盛和欠榮新銀八萬餘兩而榮新實應繳銀六萬餘兩且有前存廣州商會之油豆貨銀二萬餘兩曾由榮新稟請英領干涉此款雖已領匯營口若港案久懸嗣後未免轉轉洋務局商會亦曾慮及均囑以和平早了為妥轉告營商會令原告四家從速辦理前電榮新擬在十萬元內扣除之款係指營商會點存怡昌泰糖紙各貨價約五六千金聞已變價故有此議來電六萬四千元此數有誤否至貨廠祠房如有增添再請示遵榮冕

稟總行滬行張瑞黎監督電 十月初三日

北京上海大清行張瑞黎監督鑒臘月開卯歸現一事昨日商會奉到商部劄飭邀同本行及全埠官商會議妥協決計實行今日匯水漸小爐銀價值頓高票幫紛紛調銀來營市面可望起色營行諸事平安知念奉慰飭

香港榮新致營口粵東會館電 十月十三日

粵東會館列翁鑒惠函悉計東號欠敝號銀十萬零二千一百一十兩存港官銀九萬四千六百九十八兩怡昌泰欠東號銀五萬四千四百餘兩哆敝號已病凌狀師費銀八千兩今承調停和平了結飭遵一節在敝號自初秤心無異經於客冬屢電營商煩派員核數早了可以見證戲既飭遵敢不敬命伏祈作主請先將各數向前途商實如何首肯電覆榮新叩

香港榮行致營口粵東會館電 十月十八日

粵東會館列翁鑒來電悉事有頭緒料易了結但港存官銀必要對家消案乃能取回似此情形鞦韆甚多最好商會派全權代表到港核算各數面為商辦俾得一了

百了榮新叩

營口大德通等四家致香港大德通等各號電 十二月十五日

桂陽款現議定由榮新行交淨銀七萬五千兩了案四家所用狀師訟費電報等款暫請墊付電示細數歸營商攤還榮新狀師訟費由榮新自認現已公議妥協請即向榮新先取七萬五千兩保單會同和息銷案款令交廣州大清行辦就速覆

致總行張瑞黎監督電 十二月十六日

北京大清行張瑞黎監督鈞鑒行東盛和存香港榮新行桂陽輪船貨款十三萬元本應歸我行收取榮新怡昌泰因與東號向來互有該欠不肯交款經營商在港互控款為英督扣留爭執經年案無了期款懸無着狀師訟費甚鉅殊為棘手現請粵東會館董事兩面調處並請官商公斷勒令榮新出銀七萬五千兩並粵棧貨款全交我行歸債案結束至港案狀師訟費歸榮新設法自了再三磋磨今榮新已允遵斷營商亦全體認可是否可行乞電示祇遵飭叩

東盛和債案報告

總行張瑞監督來電 十二月十八日

營口大清行羅鑒行電悉港事如尊意可行請即照辦言豐

致廣州大清銀行電 十二月十九日

廣州大清行王總辦沈周鑒行榮新所欠桂陽貨款現已結清由榮新淨交現銀七萬五千了結除已電周委速向榮新如數收取現銀交由尊處匯滬交營外乞即接洽照收照匯為荷

致廣州大清行轉周冠伯電 十二月十九日

廣州大清行轉周冠翁鑒行桂陽貨款榮新已允出現銀七萬五千兩了結兩造狀師訟費不與我行相干請即向榮新收現銀七萬五千兩交廣州行寄滬行匯營怡棧貨款亦議妥歸我行請令榮新簽字辦妥電復

致東督徐欽帥電 十二月二十一日

奉天徐欽帥鈞鑒洪東盛和五號債案將次了結前經會同關道稟明在案惟銀行

抵受該號產業債項二百餘萬糾葛甚多非令葉商等親自出外當面逐項指明難免不無遺漏隱匿懇請電飭關道將該號商葉應增等取具妥保出外將銀行抵受各項產業界址人欠債項清理明晰交代清楚以憑接管追提而重公款實為公便

職道羅飴叩

東督徐欽帥覆電 十二月二十四日

營口大清銀行羅道電悉葉商可否取保已電飭關道酌核會同該道辦理矣督敬

廣東周冠伯來電 十二月二十七日

營口大清行羅總辦鑒行電悉遵即去港榮新事已議妥惟原告狀師訛索銷案費五千元業由四號電營請款未知作何辦理知念奉布冕

香港榮新行致營口粵東會館電 十二月二十八日

粵東會館列翁鑒二十五日經戶行周沈二君同四家到敝號訂允照港例由兩造狀師商妥互為提保簽字提銀先交妥戶行收七萬五千兩後乃為銷案刻因四家

東亞和信案報告

欠狀師費對家狀師要四家交清乃允簽字提銀祈轉求商會電港四家早日清理俾得提銀交妥銷案榮新頓

右光緒戊申

廣州大清銀行來電 正月初六日

營口大清行羅總辦鑒榮新款由敝處代出收條會同周委員收到銀七萬五千兩七二仲港紙洋十萬零四千一百六十六元六角七分容售元解申再電聞鑒雲楨致廣州大清銀行電 正月初六日

廣州大清行沈周周鑒行電悉恭賀新禧榮新款七萬五千兩已荷代收心感乞即匯滬行為荷飭

廣州大清銀行來電 正月十二日

營口大清行羅總辦鑒榮新款共合元七萬八千零六十四兩七錢六分信咨申行照撥

復廣州大清銀行電 正月十三日

廣州大清行行電悉榮新款已向滬行接洽尚有葉氏兄弟承買祠堂田屋價洋一萬元已否交案乞冠兄力催電復飭

右宣統己酉

東盛和債案報告

東盛和債案報告卷十六終



